

Bom dia!

Uluk nanain ha'u hakarak hatoo ha'u-nia respeito ba:

1. Sua Exelénsia, Brigadeiru Jenerál Calisto Santos Coliati
2. Sua Exelénsia, Prezidente Autoridade Munisípiu Baucau Olivio Freitas
3. Tenente Koronel Rinelde, Koronel Santacroce, no soldado sira husi F-FDTL no Ezérsitu Estadus Unidus Amérika nian.

Obrigadu barak ba ita-boot sira-nia prezensa iha fatin ida-ne'e.

Ohin loron ida ne'ebé esepiál tebes. Serimónia ida-ne'e marka fim husi ezersísiu bilaterál dahuluk liu entre ita-nia ezérsitus exelente rua ne'e. "Dalan Ba Dame," ka "Path to Peace," nu'udar marku importante ida iha momentu ne'ebé ita hametin ita-nia relasaun bilaterál.

Ezersísiu ne'e hatudu Estadus Unidus nia kompromisu fundamentál ba parseria. Ami fiar katak ita hotu sai di'ak liután bainhira ita servisu-hamutuk ho belun no parseiru-sira hodi rezolve dezafiu komún hirak ne'ebé ita hasoru. No Timor-Leste bele konta mós ho amizade no parseria Estadus Unidus nian enkuantu ita serbisu hodi konstrui futuru ida ne'ebé di'ak liután.

Brigadeiru Jenerál Coliati, ha'u hakarak hatoo ha'u-nia obrigadu-wa'in ba ita-boot nia apoiu ba ezersísiu istóriku ida-ne'e. Ita-boot nia ekipa no Komponente Terrestre F-FDTL nian sai nu'udar uma-nain di'ak tebes, no halo ami-nia ekipa sente haksolok tanba ita-boot sira simu sira ho di'ak tebes iha ne'e. Obrigadu barak.

Ha'u mós hakarak hatoo ha'u-nia agradementu ba Governu Timor-Leste, Ministériu Defeza no Munisípiu Baucau, tanba permite ona ezersísiu ida-ne'e bele kontinua halao ho seguru maske hasoru dezafiu hirak ne'ebé pandemia ne'e hamosu.

Durante semana rua nia laran, ita-boot sira troka ona koñesimentu, habilidades no kapasidades de kombat ne'ebé halo ita-nia ezérsiru-sira sai forte liután.

Husi treinamentu kona-ba ponte-tali to'o primeiru-sokorru kombat nian, no navegasaun terrestre to'o ba iha movimentu tátiku, interkámbiu tátikas infantarias hirak ne'e maka aliserses husi forsa ida ne'ebé moderna no interoperável.

Tuir ha'u hatene katak ita-boot sira halao ona ezersísiu ikus liu horseik hodi kompete iha eventu-sira ne'e balun, no ita iha ona vensedór ida! Parabéns ba 1^a Seksaun, 3^o Pelotaun ba ita-boot sira-nia vitória!

Ha'u agradece no orgulho ho ita-boot sira ida-idak nia serbisu maka'as no dedikasaun ne'ebé maka ita-boot sira kontribui ona ba iha ezersísiu bilaterál ida-ne'e, no ha'u fiar katak

eventu susesu ne'ebé halao ona iha tinan ida-ne'e bele ona estabese baze ba engajamentu barak liután iha tinan hirak tuirmai, no treinamentu konjuntu entre ita-nia ezérsitu rua ne'e.

Atu termina, ha'u hakarak dala ida tan hato'o obrigadu-wa'in no parabéns ba ita-boot sira hotu, Brigadeiru Jenerál Coliati, F-FDTL no Forsa Ezérsitu Estadus Unidus nian ba ita-boot sira-nia ezersísiu ho susesu, no hein katak bele haree ita-nia relasaun bilaterál sai di'ak liután.

Obrigadu barak no fim-de-semana di'ak!